



Inatsisartunut ilaasortaq, Naaja H Nathanielsen
Attaviiitsoq
Maani/

§ 37 naapertorlugu apeqquteqaammut nr. 175-imut appanut tunngasumut akis- sut

20-07-2016
Suliap nr. 2016-11150
Allakkat nr. 3177571

Inatsisartut suleriaasissaanni § 37, imm. 1 malillugu Naalakkersuisunut apeqquteqaateqarputit. Apeqqut uanga suliassaqaqfigisannit akineqartussanngorlugu innersuunneqarpoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqutigineqartunut tunngavigineqarput § 37 malillugu apeqqutigineqartunut (apeqquteqaat 152) akissutikka, ilinnut arlalinnik apeqqutissanngortitsisut. Allapputit Naalakkersuisut politikkiat piujuartitsinissamik tunngaveqarneq pineqaleraangat paasiuminaattarpoq allamilumi sumiluunniit ersarinnerpaasarluni appat pineqarsimanngikkaangata.

1-imut) Naalakkersuisut uteqattaartuarsinnarpaat piniakkanik nungusaaneq kalaallit kultur-iannut ilaangitsaq. Naalakkersuisut tikkuaasinnaappat inuiaqatigiinnik kulturinilluunniit piaaralutik piniakkaminnik nungusaasartunik? Taamaaliorsinnaangikkunik taamatut tunngavilersuineq isumaaruttussaavoq.

1-mut akissut)

Tamanit ilisimaneqarpoq nunarsuatsinni sumiiffiit ilaanni, soorlu assersuutigalugu Australiami taamatut uumasooqatigiinnik ilungersunarluinnartunik nungutaasooqartarsimamat, uumasooqatigiit arlallit nungutaasimallutik nungutaanissaminnulluunniit ulorianartorsiortitaallutik ilaatigut nunat naggorisagassat aatsitassarsiernerlu inissaqartikkumallugit.

Piniakkat Nunatsinni najugaqaannarnissatsinnut ukiorpasuarni tunngaviupput, taamaammallu piniarfimminni piniartuiit peqqissaarussilluinnaaqqinnaartut uanga nammineq qaatuuppakka.

Puisinniartarneq: Inuiaat Nunatta avataaneersut annertoorejussuarmik puisinniartarsimasut ilisimaaraavut, tamakkualu peqassutsimut innarliisarsimapput.

Arfanniartarneq: Arfanniartarneq aamma taamatorluinnaq atuussimavoq, allaat peqassuseq innarlerneqarsimalluni sulimut ilaatigut killilersuinerneq kinguneqartumik.

Nunarput nunap inuiinik inoqartuassappat piniakkat eqqummaarissumik malinnaafingisariaqarput, nalunngilaralu Naalakkersuisut nungutsinissamik siunertaqanngilluinnartut. Taamaammallu Naalakkersuisut ukiut tamaasa killilikkamik piniagassanut pisassiissuteqartarput.

Erseqqissarneqassaaq uumasunik suugaluannilluunniit Kalaallit Nunaanni qangali

piniartariaatsigut pissutigalugit nungutaasoqarsimanngimmat taamatullumi aamma appat Kalaallit Nunaanni taamatut pinaviangillat.

2-mut) Naalackersuisut uteqattaartuarsinnarpaat appanik eqqissisimatitsiniarnatik suliaasaqartitsineq imminullu pilersorneq patsisigalugit. Taakku tunngavilersuutit anguneqarsinnaannginnamik piniakkanik ikiliartortuniinngitsoq? Allatut oqaatigalugu: Appanniartarneq pisariaqavippa suliaasaqartitsineq inissisimanageratut inissisimaannassappat? Immitsinnut pilersorsinnaanerput ineriartortissinnanngilarput appat minillugit, appanniarsinnaaneq ikiliartortsiviunngitsoq tikisserlugu?

2-mut akissut)

Nammineerluni neqitugassanillu pilersorneq allatut ingerlasinnaapput. Tamatumingga pissuteqartumik piffissat miternik canadap nerliinillu piniarfiusussat sivitsorneqarnikuupput. Taamaaliornissaq timmissat takku attassinnaammassuk, kisiannili aammattaaq innutaasut appaanngitsunik allanik periarfissinniarlugit. Tamakku saniatigut timmissat allat piniarneqarsinnaalernissaat siunnersuutigineqarpoq, tassa kangut.

Appanniartarnerup ingerlateqqinneqaannarnissaa kissaatigineqarpoq pingaartumik meeqqat inuusuttullu kalaallit igaarisartagaannik nerisaqaannarnissaat kissaatigineqarmat.

3-mut) Naalackersuisut allapput uumasoaqassutsimik siunnersuineq ukjaru pissarsiarineqarpat aatsaat appanniartarnermi piunasaqaataasunik sakkortusaasoqaratarsinnaaneq isummerfigissallugu. Tamassumalli kingunerissavaa nutaamik tusarniaasariaqarnissaq. Apeqqutissara unaavoq: Inatsisinik malittarisassanilluunniit unioqqutitsinerussava Naalackersuisut namminerisaminnik piunasaqaataasunik sakkortusaappata, uumasoaqassutsimik siunnersortinneq nutaaq utaqqinngikkaluarlugu? Naalackersuisut siunertaat apeqqutiginnilakka, naalackersuisunngornerminniillimi uumasoaqassutsinik siunnersuinerit malinnissaat ileqqorisimanngilaat. Apeqqutigiinnarpara ingerlatiinnartumik piunasaqaatinik sakkortusaasinnaneq pisinnaanersoq.

3-mut akissut)

Inatsiseqanngilaq allanilluunniit malittarisassa qarani Naalackersuisut sukaterinissaannik akornusiisunik. Naalackersuisut isumatusaarnermik tunngaveqartarneq aallaavigalugu kaammattuutinillu nalilersuereerlutik naliliipput maannakkuugallartoq sukaterissamaarnerit saniatigut allanik sukaterinissamut tunngavissaqanngitsoq.

Inussiarnersumik Inuulluaqqusillunga

Nikolaj Jeremiassen